

爲佐婆部首今牛養幸藉所時來獲免負擔雲雨之施更無所望但在官命氏因土賜姓行諸往古傳之來今其牛養等居處在寒川郡岡田村臣望賜岡田臣之姓於是牛養等戶二十烟依請賜之

〔新撰姓氏錄左京皇別〕坂田宿禰

息長真人同祖應神皇子稚淳毛二派王之後也天淳中原瀛真人天皇武御世出家入道法名信正

娶近江國人槻本公轉戶女生男石村附母氏姓曰槻本公男外從五位下老男從五位上奈氏麻呂次從五位下豐成次豐人等皇統彌照天皇武延曆廿二年賜宿禰姓於是追陳父志取祖父生長之地

名改槻本賜坂田宿禰今上嵯峨弘仁四年同奈氏麻呂等改賜朝臣姓也

〔續日本後紀仁明〕天長十年四月丙戌紀伊國名草郡人正七位上湯直國立同姓真針國作等三人賜姓紀直

〔續日本後紀仁明〕承和七年二月癸亥同國陸人丈部繼成等卅六人賜姓下毛野陸奧公

〔續日本後紀仁明〕承和七年三月庚辰陸奧國耶磨郡大領外正八位上勳八等丈部人麻呂戶一烟賜姓上毛野陸奧公

〔三代實錄清和〕貞觀四年七月廿八日乙未伊勢國安濃郡人右辨官吏生正七位上爪工仲業賜姓安濃宿禰神魂命之後也

〔三代實錄清和〕貞觀四年九月廿三日己丑阿波國板野郡人從五位下行明法博士粟凡直鱒麻呂中宮舍人少初位下粟凡直貞宗等同族男女十二人賜姓粟宿禰

〔三代實錄清和〕貞觀五年九月七日丙申壹伎島石田郡人宮主外從五位下卜部是雄神祇權少史正七位上下部業孝等賜姓伊伎宿禰

〔三代實錄清和〕貞觀五年十二月十六日甲戌陸奧國磐瀨郡人正六位上勳九等吉彌侯部豐野賜姓陸奧磐瀨臣其先天津彥根命之後也